

D E U T E R O N O M I.

7 Ma gheibhear duine a' goid-eadh aon neach d'a bhràithribh do chloinn Israeil, agus ma ni e ain-tighearnas air^a, no *ma* reiceas fe e; 'an sin cuirear gu bàs an gaduiche sin, agus cuiridh tu olc air falbh as bhur measg.

8 Thoir an aire, ann am plaigh na luibhre, gu'n d'thoir thu fa'n-ear gu dùrachdach, agus gu'n dean thu a réir nan uile nithe a theagaisgeas na sagarta na Lebhithich dhuibh: a réir mar a dh'aithn mi dhoibh, bheir sibh fa'near gu'n dean sibh.

9 Cuimhnich ciod a rinn an Tighearna do Dhia re Miriam air an t-slighe, 'an déigh dhuibh teachd a mach as an Eiphit.

10 'Nuair a bheir thu do d' choimhearsnach ni sam bith 'an coingheall, cha d'théid thu steach d'a thigh a ghabhail a ghill.

11 A mach seafaidh tu, agus bheir an duine d'am bheil thu toirt 'an coingheall, an geall a mach dhuit.

12 Agus ma *bhios* an duine bochd, cha choidil thu le gheall.

13 Air gach aon chor bheir thu air ais^b dha 'n geall a ris, 'nuair a théid a' ghrian fodha, chun gu'n coidil e 'na eudach féin, agus gu'm beannaich e thu; agus bithidh fo 'na ionracas dhuit 'an lathair an Tighearna do Dhé.

14 Cha dean thu foirneart air feirbhiseach tuarasdail a tha bochd agus uireasbhuidheach, *co dhuibh a tha e* do d' bhràithribh, no do d' choigrich, a *tha* ann at' fhearann an t-aobh a stigh do d' gheataibh.

15 Air a là bheir thu dha a

thuarasdal, agus cha d'théid a' ghrian sìos air, oir *tha* e bochd, agus a' fuidheachadh a chridhe air; air eagal gu'n glaodh e a' aghaidh ris an Tighearna, agus gu'm bi e 'na pheacadh dhuit.

16 Cha chuirear na h-aithreacha gu bàs air son na cloinne, ni mò a chuirear a' chlann gu bàs air son nan aithreacha: cuirear gach duine gu bàs air son a pheacaidh féin.

17 Cha chlaon^c thu breitheanas a' choigrich, no an dilleachdain, ni mò a ghabhas tu eudach bantraich mar gheall.

18 Ach cuimhnichidh tu gu'n robh thu *féin* a'd' thràil 'an Eiphit, agus *gu'n* do thaor an Tighearna do Dhia thu as sin: uime sin *tha* mi ag aithneadh dhuit an ni fo a dheanamh.

19 'Nuair a bhuaicneas tu^d t'fhoghar a'd' achadh, agus a dhi-chuimhniceas tu sguab 'an achadh, cha phill thu g'a togail: air son a' choigrich, air son an dilleachdain, agus air son na bantraich bithidh i: a chun gu'm beannaich an Tighearna do Dhia thu ann an uile oibribh do lamh.

20 'Nuair a chrathas tu do chroinn - ola, cha d'théid thu thairis air na geugaibh a ris: air son a' choigrich, air son an dilleachdain, agus air son na bantraich bithidh e.

21 'Nuair a chruinniceas tu fion-dhearcan t'fhion-lios, cha ghlan thu gu buileach a'd' dhéigh e: air son a' choigrich, air son an dilleachdain, agus air son na bantraich bithidh e.

22 Agus cuimhnichidh tu gu'n robh

^a ma ni e marfantachd leis. ^b ais-iècaidh tu. ^c Cha'n fhiar. ^d ghar-

ras ip sìos.